







Phil. spec


















1620 MANIFESTE <sup>1241</sup>  
pour le Public <sup>11<sup>e</sup> Parl 17 12</sup>  
AV ROY,

Pour le bien de son  
Royaume, & sou-  
lagement du  
Peuple.



A. PARIS,  
Chez Isaac Mesnier, rue S. Jacques, au Chesne verd. 1620.  
*Avec Permission.*

THE NEWBERRY  
LIBRARY

Case  
F  
39  
326  
1620m

**D**Effences sont faictes à tous Marchands  
Libraires, Imprimeurs, & Colporteurs,  
& generallement à toutes autres personnes  
de quelque qualité & condition qu'ils soient,  
de vendre n'y distribuer du present traicté; in-  
titulé *Manifeste du Public au Roy, pour le bien de son*  
*Royaume, & soulagement du peuple*, sinon que de  
celle qu'aura faict Imprimer Isaac Mesnier,  
marchand Libraire, pendant le temps d'un an,  
sur paines de cent liures d'amendes, confisca-  
tion des exemplaires, & par corps, nonobstant  
oppositions, ny appellations quelconques,  
comme plus emplement est porté par ladicte  
Permission & Deffence. Donnée à Paris le 21.  
Mars. 1620. Signé,

H. DE MESMES.



# MANIFESTE POUR LE PVBLIC AVROY.

**S** I R E, Aux mouuemens sur humains de vostre Esprit, & aux miracle de vostre Regne, on recognoist que Dieu tient vostre Cœur en sa main, & vostre Couronne en sa garde. Qu'il veut rendre vostre Estat le plus heureux, & vostre Throsne le plus glorieux del'Vniuers. Pour cest effect il met les Anges & les hommes à vostre ayde : Ceux-là vous inspirent leurs intelligences, & ceux-cy vous donnent leurs aduis sur tous vos grands desseins.

Les Anges vous decouurent la beauté diuine, & l'ordonnance de sa perfection : les hommes la decense de la Monarchie, & l'ordre de sa iustification, à fin que conjoignant & imitant ces parfaictes formes en vostre domination, vous vous rendiez diuinement & humainement parfaict: le plus

A ij

pieux, & plus iuste Roy qui fut iamais ; le respect des plus esleuez, & l'admiration des plus accomplis qui viuent.

Puis, donc, que les Anges d'une part, & les hommes de l'autre vous suggerent leurs sentiments pour vne si glorieuse fin, agréées, SIRE, que le nostre se porte d'une mesme intention à vos pieds accompagné de nos cœurs : & si l'un se treuve indigne de vos yeux par son peu de merite, que l'autre se treuve digne de vostre grace par son affectiō, & nous fasse sentir l'excez de vos bonrez, en l'adueu de ce petit discours que nous dressons, non pour nous faire voir hommes d'Estat, mais tel que nous sommes, Zela-reurs du bien public, & de vostre honneur, auquel no<sup>s</sup> recognoissōs vous estre du tout obligez. Il vous plaira SIRE nous permettre d'escrire ce qui est necessaire pour nostre bien, & finir le succez d'iceluy par vostre gloire.

Il ya, SIRE, quatre bons & seurs moyens pour maintenir vostre Royāume en bonne paix & tranquillité, & que vos suiectz se ressentiront des effets d'iceux : le premier est, La Religion, lumiere de nostre ame, qui luy fait voir Dieu sō Soleil, à trauers la nuée de son corps, & pendant ceste vie l'unit a



luy, comme à son souuerain bien, avec amour & crainte. Le deuxiesme, la Iustice, & l'Azile au niueau de la Raison, qui nous faict la voye du bien droite & facile, rendant a tous ce qu'ils meritent; & nous sauue par les perils du monde del'oppression du mal. Le troisieme, la Paix, l'image & l'auant-goust du parfaict repos, qui porte avec elle toutes sortes d'aïses souhaitables, & fauorise, par sa tranquillité, l'estude & les œuures de nostre bien. Le quatriesme, est la sainte vie de nostre vie, & l'aimé de nos plaisirs, sans laquelle tous contentements meurent en nous, & tout pouuoir nous defaut pour nous porter au bien.

A ces quatre moyens, SIRE, cy dessus, il y en à quatre qui leur sont contraires, sous lesquels sont tous les autres. Le 1. est l'Irreligion, sorciere de nostre iugement, Demon d'herreur & de tromperie, qui par son illusion, desuoye nostre pieté du chemin Royal pour la tirer au precipisse. 2. La Guerre, de snaturée violence de la nature: inhumaine fureur del'humanité, qui l'a faict deffaire à soy-mesme, qui met tout en confusion & perdition, & en ses effects ruïne ses Autheurs & les causes. 3. L'Iniustice, hydeuse difformité de nos actions;

outrageuse tyrannie de nostre vie, la mere nourrischiere de tous vices, & la naturelle de tout malheur. 4. La Maladie, viue gese de nostre sens, lamentable mort de nos ayſes, & l'enpeſchement de nos vertus,

Puisque l'irreligion, est le premier par laquelle ie n'entend point vne priuation de toutes Religion, mais i'entens par l'irreligion vne Religion autre que la vraye, ou vn autre indecete & vitieuse en sa profession, elle n'aist de presomptiō ou de foiblesse ou de prescipation, de iugement: pour y religieux i'entens ceux qui ne tiennent la Religiō Cathol. Apostol. & Rom. mais vn autre qu'ils croyēt estre meilleure, & l'on à trouué pour telles sortes de gens, bon de les laisser, & permettre par les Edits la liberte de conscience, car ce qu'on ne peut empescher, qui est de croire ce qu'ils ne peuuent encore mescroire en la Foy.

Il faut donc laisser leurs esprits en paix (pourueu qu'ils obeissent comme ils sont obligés à vos commandemens, qu'ils se tiennent dens les termes de leurs obeissances & deuoirs,) & leurs conscience en liberte, car aussi bien l'auroient libre au dedans, quand on les forceroit au dehors: leurs maladies sont en la raison qu'il faut guerir

par la raison mesme assaisonnée de douceur & de passience, par elle avec le temps la verité prenant, & dissipe l'Herésie comme le Soleil vn Nuage : & sur tout il se faut garder d'aigrir le mal par la violence d'aucune évacuation, qui emporteroit le bon avec le mauuais, tant ils sont meslez ensemble, attendant la cryse naturelle & les effets de Dieu.

Pour la Paix, il est tres-necessaire pour beaucoup de considerations que ie diray, de faire viure en mesme enclos tous les ordres de l'Estat, & sous vne mesme police, leur interdisant la separation & la demeure des Champs, fors qu'aux temps des œuvres champêtres : Mesmement à la Noblesse, qui a quitté tout à fait les Villes où elle est la plus necessaire, & mesprise les charges publiques plus par fantaisie que par raison à son intereests, & au dommage de l'Estat : le gouvernement publicq restant par son defect en temps de guerre sans Chefs & sans appuy, & en la Paix sans lustres & sans harmonie : car quel consert si l'une des quatre parties y deffaut : elle reste aussi par c'este faute sans assistance & sans aucthorité, sans plaisirs & sans assurances.



Sans doute ces esloignemens se separant de la Communion du Corps, diuise son intelligēce de celles des autres parties, qui la tiennent apres suspecte. voire le Prince mesme, voyāt qu'elle fuit les yeux du peuple, & ne veut point de tesmoins de ces actions, cē qu'il traict qu'il s'en prend garde, & qu'elle entre en ombrage, d'ou vient l'aigreur del vn & la peur del'autre, & quelquefois la guerre: car en c'este diuision le feu des violens treuve son issu libre, & l'esprit des ambitieux assez escartē, pour fondre roidement sur leurs compatriottes au moindre vent qui souffle de trauers.

Là où si les Gentils-hommes viuoient dedans les Villes, meslez avec les autres Citoyens, & entre-eux mesmes les bons empescheroiēt les mauuais, les doux modereroiēt les violens, les genereux encourageroient les timides, les vertueux amāderoient les déprauēz, & les illustres esclaireroient les obscurs, d'un temperement agreable qui conserneroit le bien, & l'harmonie publique.

Quant à la Iustice, SIRE, n'est-ce pas injustice que plusieurs personnes ignorans & gens qui ne sçauent rien, tiennent les biens de l'Eglise, & ces dignitez, & les  
vertueux

vertueux & capables en sont priuez ? iniustice que les laids & prophanes mangent les saincts reuenüs, & que les vrais Religieux de Dieu meurent presque de faim, & par leurs pauureté des-honnore leurs saincte charge, iniustice, qu'on fasse marchandise des maisons de Dieu, & qu'on trafique de ses heritages ? iniustice que les vns soient affairés sous les poix enormes des benefices, qui leur engraisent le corps & amegrissent l'esprit, & les autres n'en ayent qu'un l'oppin qui meriteroient en estre les mieux partagez ? iniustice qu'on conioigne les incompatibles, & que tant de Bergeries demeurent sans Pasteurs ? & iniustice que quelques Ecclesiastiques s'empeschent des affaires seculieres, & meslent confusement la terre avec le Ciel.

En la Noblesse, est-ce pas iniustice que les Roturiers tiennent les fiefs sans en auoir la qualité, & qu'ils en portent les tiltres sans annoblissement ? que les nobles se meslent des offices des vils, & les Seigneurs du traffic du peuple ? qu'ils donnent leurs iustices à des ignorans, & depocèdent les dignes quand il leur plaist ? qu'ils tyrannisent leurs suiets & les obligent à des charges indues ? mais iniustice sur toute iniuste

& denaturées, qu'ils cherchent leurs honneurs en leurs deffaites, Qu'ils tournent leurs armes contre leur Prince, & leurs affections contre leurs pays.

Le peuple empoisonné de l'iniustice ne se contente pas de l'exercer contre-foy, mais encor il en offence le Prince, & le public: comme quand ils decouurent aux Estrangers les Secrets des villes, & des Prouinces. Quant ils tirent l'Or & l'Argent, vray Sang de l'Estat, hors du Royau-me: & par ce moyen l'affoiblit. Quant il excède aux traictez foraines la permission, & vuide le pays des iustes prouisions qu'il y faict: quand il sort hors de ses rangs pour vsurper ceux d'autrui. Quant les pecunieux en tēps disetteux achettent les denrees pour les rendre à vn haut prix, met-tēt tout à sec, & les pauures à la fin. Quand les Faquins se couurent comme les Seigneurs, & les mechaniques prophanent la loye & la richesse. Quant les Peres, par dons excecifs, ruynent leurs maisons, & desolent leurs familles.

Vrayement à ces excez, mais bien folies, ont besoing, SI RE, de l'Ellebore de vos Edicts: La premiere se guarira par l'observation de ceux qui sont ja faicts: & la se-



conde en ordonnant par vn nouveau, que les peres pendant leurs vies, & qui auront d'autres enfans, ne puissent donner en dot à leurs filles, que de legitimes, à la prendre sur l'Estat present de leurs facultez.

A ces follies i'adiousteray l'inconstance du François à s'habiller, qui luy faict changer tous les iours de forme, comme à vn Prothée, & dependre pour suiure le changement en vn an, que le plus changeant Estranger en douze. Pour l'en guerir il est necessaire de le reduire en vne mode & forme stable d'habillement, la plus belle & commode à l'action qu'il se pourra. Or la plus approchante de la naturelle, avec decense, sera telle, comme la plus differente est la plus incommode & monstrueuse, à la iuger par la raison, & non par l'accoustumance.

Quant à la maladie il y a vne dangereuse contagion, qui trauaille & incommode l'Estat extresimement, venant des pauvres souffreteux, principalement des mandieës, qu'en la plus part des villes les Magistrats politiques laissent vauquer par les villes, puants, sales, & malades: souffrans qu'ils arrestent les passants, penetrent les mai-

sons, assiegent les portes, entrent dedans les Temples, & se meslent par tout : troublans les œuures saincts, & profanes par leur importunité, & infectent les lieux, & personnes par leur impureté.

Ce qu'il faut, SIRE, diligemment empêcher, & pourueoir à ces inconueniens, qui sont les plus frequents de tous. Il y a deux sortes de pauures, de vray, & de faux, de bons, & de mauuais, d'inualides, & de puissants, de honteux, & d'effrontez: les vns sont enfans de perdition, & les autres de desolation. Ceux là guetteux de pays, larrons industrieux, bouteux subtils, semeurs de pestes & d'engeance. Ceux cy spectacle de la misere, obiects de la cōpassion, buttes de la calamitté, & vases de l'infirmité des hommes, & c'est de ceux-cy (soient manifestes ou couuerts) qu'il faut auoir pitié, & qu'il faut soigner le secours & releuer l'indigence: Dieu nous le commande, & la nature nous y semond.

Et quoy que la fortune les reiette comme excrement, & que Monde les mesprise, & que le sort les tiranise, il ne faut iuger la cause par le traictement, n'y le merite par la peine, il leur faut estre humains, puis qu'ils sont hommes comme nous, & leurs

donner de nos substances, puis qu'ils sont de nostre nature. & à cet effet dresser par tout des Hospitaux garnies de toutes choses necessaires: mais sur tout des fidelles Receueurs & distributeurs de leurs reueuenus, qui pouroient exiger en quatre queste de tous, ce qu'ils leurs charité leur faict donner en toute l'année, pour l'entretien seulement des pauvres impuissans & malades, ausquels il ne faut plus qu'il leur soit permis de vaguer par les Villes, sur peine que les maladies regneront tousjours.

Et quand aux sains & valides, i'entens des pauvres vollontaires, & qu'aymans de profession, qui sont la virulence des hommes & les immundices de l'Estat, desquels tout mal exhale, il les faut distinguer des vrais & inualides, comme les frelons des mouche à miel, a fin qu'ils ne mégent leurs substances.

Il en faut purger l'Estat, afin qu'ils ne le gastent par leurs ordures: faisant comme le preuue Oeconomides, qui à son leuer faict balayer son Logis & nettoyer les chambres de toutes saleté, pour les rendre saines & agreables: ainsi faut-il pour commencer l'Oeconomie Publique, la purger



· auant toutes œuures des faineurs, & à eux de leurs vices, en les tirant de l'oyſiueté qui les cause, il leur faut oster le libertinage pour les afferuir au trauail, avec effort s'il en est besoing: les employer aux œuures & mestiers publiques, qu'il est necessaire d'introduire à cet effet, selon la disposition & commodité des lieux, aux despens du Public, sans y rien espargner pour vn si grand bien, & s'ils resistent, chastier ceux qui ne se voudroient reduire, punir au fouiet les obstinez, marquer au Lys les outrageux: & donner la gehaine à tous ceux qui refuseront l'outil, les faisant seruir aux Galeres, s'ils ne veulent trauailler aux villes.

Ce sont les deffauts plus grands que ie remarque en ceste Monarchie, les ordinaires maladies de son corps, & les vices plus apparens de ces membres. Ce sont les mauuais tons de son Consert, & les discours de sa Diatonique.

Mais c'est à vous, SIRE, souuerain Medecin, & souuerain Musicien, de guerir son mal, & remettre sa dissonnance. C'est à vous Artiste non pareil de cest Etat (que vous tenez avec, l'ard de bien regner, du plus grand Maistre qui fut iamais) de re-



dresser ces pièces fausces, & r'ajuster ses rencontres. C'est vn Horloge desbauché, mais de grande importance, car il frappe les heures, & regle le temps à toute la Chrestienté.

Reparez le donc, SIRE, à perfection, & faites qu'on l'entende avec estonnement de tous les quartiers du monde. Consummez nostre felicité, commencée par vostre Pere, miraculeux ouurier de nostre paix: il vous a laissé la moitié de l'ouurage à faire, acheuez-le, SIRE, & comblez nostre bon-heur: vous le ferez aisément en prenant les qualitez dont vous auez les dispositions égales en leurs differences à celles de ce grand Roy: Il estoit le miracle des armes, soyez la gloire des bones Loix: Il chassa les ennemis de la France, chassez les vices de vostre Estat, il sauua nos fortunes par sa force, sauuez nos droicts par equité: Il ayma la vaillance & la clemence, aymez la Iustice & la Pieté: & comme il s'acquist le surnom de Grand, vous acquerrez celuy de Iuste pour iamais, & rendrez vostre nom Sainct au Ciel, & dans le siecle.

Il reste SIRE, que le fidelle Ministres de vostre direction, s'estant prisez & ca-

pables, Conseillers de vostre Maiesté, co-  
operateurs de nostre bien que Dieu vous  
reseruoit & à nous pour ce temps: Colom-  
nes inébranlables de vostre aucthorité,  
vous aydent sans cesser à c'este grāde œu-  
re de laquelle vostre parole ancienne  
Prophetise, & les signes de toutes choses  
promettent le succez, c'est à ces bons lar-  
diniers à cultiuier tant de soing, en ce grād  
Parterre, vostre Royale fleur, l'amour des  
Anges & des hōmes delices de son odeur.

C'est à ces experts & sçauant Pilotes, qui  
cognoissent les vents de la France, & les  
routtes de sa haute Mer, & à ces autres no-  
chers d'elite qui sçauent les plages eslon-  
gnees, & leurs dispositions de guider cet  
grande Nef qui vous porte, & avec vous  
nostre salut au port de son assurance.

Et c'est à vous SIRE, à trauailler si cou-  
rageusement sous vostre effort à l'entrepri-  
se de c'este generale reformation, que vo-  
stre regne soit faict vn siecle d'or parfait  
de nostre bien, & remplie de vostre gloire.

F I N.

